



樂善堂全集卷二十八

古體詩

瀚海石子歌

昔聞瀚海石子奇今日几席得玩之瀚海渺在
天之涯草不抽莖樹鮮枝春光罕照秋風悲長
年那得雨露滋其中產石羌誰爲嗟彼從軍戍
邊陲更過萬里無歸期故人天末相贈貽開匣

忽覩光離離遠寄用表長相思紅如珊瑚碧琉璃
硬黃深青各有差大如雞卵未剖時小如釵
上紛珠璣亦有竒峯異壑姿天然那事追琢施
感君贈我置芸帷長日靜對心神怡高歌消得
梧月移吁嗟故人知不知

濬沼

圓池寬數畝秋水涵清虛植以芰荷花畜以文

錦魚歲月旣云久其下積泥淤潑刺礙遊鱗相
忘憶江湖物亦含其生與人豈異趨一朝深濬
之爰爲安其居快哉玉鏡中潛躍隨所如何殊
濠濮上撫景襟懷舒

題唐岱秋山不老手卷

唐生胸中有廬霍爲余一寫秋山狀毫端氣韻
擅蕭疎邱壑縱橫出心匠遠峰螺髻翠欲滴飛

龍直下噴銀浪招提想像晚鐘鳴森列松杉作
屏障我聞山水貴可居卧遊亦足娛清曠展對
蕭齋秋意深拂拂金風侵几上

賦得霜花撲曉鞦韆

山路散晨光行人殘夢醒欵段嘶寒風落月挂
斜影空林霏素霜萬壑朝嵐靜愛日晃征鞍點
滴留清冷彷彿踏春遊花落餘殘景

題李思訓寒江待渡圖

輕嵐淡抹西風肅征人趁曉紛馳逐啞啞羣雀
噪渡頭漁舟猶伴殘燈宿千林紅葉正凋殘欲
落未落古月寒勞勞名利何時歇一幅寥蕭几
上看

風篁笙奏

明窓愛日多几案光生暖檻外竹千竿翠影欣

疎散何來笙簧韻寥寥風送遠繁節乍敲鏗低
拍殊幽緩清如嘯遇孫勝比咸撥阮漫云耳根
囂天籟三千滿

雀噪

東方欲生明織月西南落平林曙景通啞啞鳴
寒雀霜風斷續吹繁音轉高閣似話五更寒如
語栖枝樂蕭晨入聽幽明窓興堪託愛日已三

竿暖影侵帷幕快哉黃棉襖人鳥同時著

冬夜對月書懷

烏鵲棲穩人行少弗弗霜風窓外掃曲屏銀燭
含幽光獨愛侵帷玉蟾皎地鑪然炭暖氣徐俯
仰丈室慚温飽此時緬想饑寒人茅屋歛歔愁
未了境遇由來不可齊消懷聊把陳篇考忽聽
霜鐘送林杪疎櫺影度梅香悄喜對清光延佇

樂善堂全集 卷之八
吟殘更欲盡雞啼曉

遊法海寺卽景

纖月挂空林曙鴉帶寒影匹馬衝霜風爲訪招
提境村墟散炊烟迴首眄斜嶺扶桑耀朝暉寒
谷添晴景我行已覺疲禪僧坐方靜稍然石竈
烟爲我烹茗茗尋古斷碑存探幽石徑永誰能
問法源暫可息浮梗帝京佳氣多烟火籠萬井

却供眺遠閣一覽餘清省

寺有眺遠閣晴明望帝京如咫尺

法海寺題壁

百年蘭若雲封戶山僧靜坐絕往還我來杖策
尋幽勝啾啾山鳥鳴空山欲落未落楓葉赤乍
斷乍續秋雲閒烟蘿石徑歸路杳孤月已上臨
禪關

撥火吟

地鑪深夜銀灰冷繡屏十二關風靜結跏無那
手足寒銅匙撥火忘漏永宮城斷續霜鐘鳴月
窓竹篠留清影一室春和俄頃間就中樂趣誰
能領

冬夜讀韋詩

焚香對銀檠夜靜見明月遲遲玉漏寒萬籟此
時歇蘇州五字詩披覽逸興發園客事獨繭格

調殊清越七竅總不鑿安排活潑潑終卷不能
釋玉繩橫未幹

蠟珠謠

香篝斷續蘭烟吐月窓細把長更數銀檠明滅
詩思遲一天霜影簾垂戶誰敲仙掌鏗鏘鳴猶
疑滿斛珠璣傾却教吟興娛清夜窓外寒賡綠
玉聲

樂善堂全集 卷五 六
村賽曲

老巫伐鼓聲夔夔冬醅初熟霜柑紅合家羅拜
致虔恭村村樂事傳幽風黍稌堆西稻堆東倉
箱萬億快年豐謝神默佑恩何窮賽罷福酒先
酬翁老巫牽羊別家去來年大有神應助

霜曉炊烟

村墟寒曙暉霜重烏啼少微辨炊烟橫旋向疎

林繞縷縷披風寒依依散晴曉晨粥想已成曳
篆絲漸小長祝茅簷裏歡然温且飽

題唐岱做趙松雪畫

唐生今畫師下筆如有神緬想吳興蹟爲余摹
其真千峰烘晴晝萬彙含陽春耕作咸及時如
對華胥民飛泉挂練影老松蟠龍鱗間關阻天
外誰歟驢背人村墟雞犬足書聲達比隣尤愛

小奚僮汲水古澗濱胸中富萬卷筆端絕點塵
恍疑松雪齋坐對揮毫新

嗇夫詞

上林虎圈當晨開六龍飛騎官家來苑尉小臣
乏口給謀謀獨顯嗇夫才霸陵漢帝稱仁厚特
地褒嘉頒墨綬若非採取釋之言坐令佞者羣
奔走君不見正色立朝周大夫廷議期期不出

口

鶴筆裘

翩翩鶴筆如披銀望之直是仙中人可憐落魄
籬邊者中心歆羨良艱屯君不見仙人不住人
間世瀛洲方丈誰能濟長安比戶豪富家朝坐
華堂暮空第吁嗟仙人不若此豈如垂釣披裘
學嚴子

茅簷曉曝

烏啼霜月落朝旭纔三竿寂寂寒村景參差入
遐觀茅簷晴趣佳野老方負暄那知嚴風淒但
覺愛日溫是時罷三農繞膝圍童孫快哉黃棉
襖普被無卑尊熙熙太和世大哉天地恩至樂
矜新得擬欲獻金門

草色

勾芒鼓吹招搖東羲和御日騎蒼龍暖雲晴旭
當天烘皇州十里輝春融女夷小試龍梭慢春
信遲遲歸別院緜紅猶未上瓊枝嫩黃乍覺鋪
芳甸光風轉蕙物昭蘇暗報陽和日日殊輕寒
料峭天街曉試辨茸茸色有無

春松

老松經冬寒不枯春來嫩綠枝頭蘇虬龍千尺

樂善堂集卷三
翠欲滴下有孫枝相翼扶森森未許雙鶴睡天
籟長空泛笙竽爾松爾松莫幸春日之和融眼
前風光正明媚弱柳織綠桃熏紅世間桃柳眼
誰復顧爾松無心欲傲歲寒時霜皮鐵幹誰與
同

萍始生

潑刺遊鱗纔上水嫩萍拖翠春流始牽風搖漾

穀紋輕試詰生生忘所以綠髮新梳濕未乾半
含清潤凌波寒誰家一匹水純素忽織參差藻
無數

石徑松雲

石洞盤紆雲掩門長松落落擎雲根虬枝颯沓
泛清籟幽勝不數桃花源綠陰掩映蒼苔翠仙
家孤鶴偷閒睡醒來雲氣忽滿身疑是丹爐烟

繞翅

漁莊晚霽

夕陽天外明遠浦歸颿疾吳童盼阿儂獨倚柴
門日晚烟漾澄流漁莊足蕭瑟何來欸乃曲忽
自叢蘆出霽影射波紅曬網樓皮室共擬金波
上數杯醉柳蜜

野寺殘陽

斜日照林低野寺鐘魚靜亭亭塔影孤川風淡
晚景片雲出岫間餘霞橫抹嶺誰歟牛背人歸
路歌聲永暮色遠蒼茫金波忽流影山僧獨趺
跏炷香觀平等

插秧吟

池田漠漠薰風起插秧時節江村美茅屋家家
晝掩門一畦新穎浮清水兒騎秧馬學插秧壯

樂善堂全集 卷三
者手疾力獨強老翁背直難偃僂杖藜督課溝
塍旁晚來共浴前溪曲幾堆雲脚出山谷但願
知時甘雨霏管取今年衣食足

種豆

清水曲彎環隙地餘數畝欲觀生意佳種豆雨
晴後我適杖策來試以問園叟開田良不易治
畦亦勞否老圃荅我言似此亦何有不見萬頃

田種自吾儕手赫日雜炎風荷鋤忙奔走歉年
委溝壑豐歲纔餽口我聞老圃言飲翁以醇酒
願告朱門者農勞不可負

野店風帘

杏花村裏春光好人家隱映迴巒抱招得遊人
策蹇來一尺青帘挂林表輕風搖曳高復低斜
拂垂楊綠未齊曉烟羃歷溶溶月夕籟低徊淡

淡溪東皇鼓物標青幟臨風無限悠揚意韶華
撩眼興陶然不緣野店新醪醉

過覺生禪房

十里輕陰路便覺非塵境緩轡到招提颯然松
風靜禪房花木香小憇耽清景上人息萬緣跏
坐觀平等徘徊石徑紆徙倚松軒永且喫趙州
茶莫問雲門餅歸騎漫教催餘霞亘西嶺

熏香謠

寶鴨昂頭綠雲吐湘簾幾扇垂當戶廣座風生
六月涼水沉一片熏爐炷熏爐棐几清無埃芝
印欲就光徘徊誰家才子紅蘭署何處佳人玉
鏡臺篆絲細裊香烟散萬境都來參鼻觀主人
日午正高眠夢中留得殘香伴

漁鄉曝網

殘陽西落射柴扉
漁翁盪槳前溪歸
歸來枯柳扁舟繫
長竿曝網溪風微
風吹網眼千珠落
網得魚歸兒共索
老翁不與意非慳
換取青錢供晚酌
江鄉有酒更有魚
一家長享豐年樂
豐年樂豐年樂
樂雨後明霞抹林脚

松陰午憩

長松夏亦寒
嘉陰如張蓋
白石堪坐卧
清泉流

一派有時微風起
瑟瑟泛虛籟
繫余閒步履
小憩松陰內
枕簟延清芬
濤聲涼可愛
徒倚林泉間
興寄雲霞外

溫泉荷花

首夏荷葉纔田田
溫泉開花已如然
六月池塘荷始盛
溫泉花謝餘青柄
溫泉水暖荷花早
羣驚艷質凌波好
那知消長不須時
九夏未半先

樂善堂全集 卷三十一
枯槁我欲乘興弄扁舟兼葭青青壓岸頭可憐
荷花轉不若已作一段橫塘秋

聞雞起舞曲

聞雞鳴中夜舞英雄志氣冲天宇聞雞鳴舞且
歌功業未就可若何古來壯士多消磨待旦不
寐空枕戈君不見士雅擊楫意慷慨越石清嘯
胡兵退當年事蹟略相同恨不功成青史載

熱

天籟靜松枝朱明透梧砌蒼苔溽暑潤濃陰合
虧蔽廣廈堆冰盤輕扇揮鸞翅靜坐度三庚解
識造物意池荷檻外芳修竹窻前翠萬類得遂
生孰非天所賜暑雨而怨咨情憤誠不啻何如
民愛憎四時無異施

壠上牧羊歌

樂善堂全集 卷三十一
胡天朔風勁天驕意轉豪曲催花羯鼓酒醉綠
葡萄淒淒荒壠上雪花點絮袍牧羊雜胡兒笑
語猶嘈嘈囁囁聊充饑慷慨視節毛狐裘衛與
李吾深愧爾曹

題林朝錯蒼松霜隼圖

長松落落擎龍虬下映清淺之碧流何來霜隼
脫羈鞴高枝獨立態轉道搏風羽翮橫九秋電

光閃閃輝雙眸挂壁直使燕雀愁啣泥怯上雕
梁頭君不見將軍臂上軒勇氣饑飽由來受人
制又不見王孫愛汝雪毛竒高飛不得遭縛繫
豈如幻化生綃裏厲爪秋空攫飛雉五方小兒
謾張羅因風直欲凌雲起

六月十四日聞蛩

今年秋信早六月蛩已鳴月檻納涼天籟寂啣

樂善堂集卷三
唧忽作三兩聲主人哦句繞徑行砌旁幽韻如
共賡幾度振羽音逾亮轉動經年離別情仰看
疎梧魄影明銀河如練碧落橫葛衾生寒羅幕
靜秋聲秋色今宵并

又卧月

新月挂玉鉤露下空庭濕高懸綠湘簾盡放清
光入桃笙漪翠浪桐風來習習獨卧看流螢千

點星光集

幽州馬客吟

幽州馬客能騎馬馬上相逢不肯下健馬千里
從狼豺驟駢汗流蹄盡赭渾脫舞大角歌馬醺
共醉朱顏酡臂上鶴子凌雲起飛赴誰知躡麥
禾

題趙文敏中峰懷淨土詩畫卷

了得心如幻西天卽東土多少念佛人覓佛在
言語妙哉松雪翁筆意脫凡腐借問是佛非燈
籠答露柱

倚竹吟

靜女倚修竹幽居在空谷蘭茝爲帶薜荔服飄
動微風香馥郁綉堦桃李春光淑不隨冶艷相
徵逐魚有比目禽有鴛伴侶一失隔九原從知

得意雙棲日便是他年寂寞魂不如倚竹山中
老高節常凌歲月渺

陌上桑

離離陌上桑桑葉初染綠郎在姑蘇城妾在大
隄曲相隔迢迢如萬里大隄秋冷芙蓉紫風光
春去復秋來可憐郎心不可恃郎心風中燭妾
志水中石願作白馬逐君行天宇寥寥覓無跡

封鮒行

曾聞陸氏子懷橘餉其親又聞陶氏母封鮒謹
持身懷橘可云孝封鮒可云仁兒豈無母遺官
物非濟貧卓哉陶士行其後爲顯臣運甃久習
勞分陰常所珍教子以義方湛氏真其倫

李郭舟

君不見李郭濟河同一船岸旁人羨如神仙當

時復有徐孺子尚書設榻爲高懸厨顧標名爭
品第釀成鈎黨孰使然舟中人兩相若當道不
同居太學哲人葆光非遁名扶獎人倫絕菲薄
由來天地一虛舟獨放蘭橈遊寥廓

疾風勁草

金風颯沓至羣卉皆委靡豈無芳華姿時過不
堪恃矯矯彼勁草特立秋原裏枝葉已蕭條堅

心猶未死迴顧羣卉悲非甘衆所竒春和苟回
照願共芳菲時

七夕篇

白月皎皎欲上弦西風送爽侵帷筵秋聲秋色
相婉變撫景策杖庭梧前迢遙碧落橫銀漢此
夕雙星得相見脈脈盈盈一水間經年話別情
何限桂宮雲帳寵龍梭羽蓋初嚴欲渡河天上

人間兩無異惟有今宵秋思多秋思綿綿亘今
古離愁渺渺迷處所可憐羅幔暗驚秋不比尋
常乞巧樓誰家砧杵傷獨宿何處邊笳淚欲流
邊笳砧杵斷復續恨比蛛絲縈萬曲仙人掌上
露華寒曝衣樓畔金颺肅天雞唱曙各東西榆
影茫茫路更迷可知此夕雙星會便是當年古
別離

